

Broj: 05-35-2601-1/26
Mostar, 6. 5. 2026. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2026. godinu Federalnom ministarstvu obrazovanja i nauke, („Službene novine Federacije BiH“, br. 22/26), Pravilnika o dodjeli sredstava tekućih transfera odobrenih Federalnom ministarstvu obrazovanja i nauke u Budžetu Federacije Bosne i Hercegovine, br.: 06-02-2-1330/25 od 14.3.2025. godine i 06-02-2-1330-1/25 od 26.5.2025. godine i Smjernica za dodjelu finansijskih sredstava za naučno-istraživačke, umjetničko-istraživačke i razvojno-istraživačke projekte, broj: 05-35-1561/26 od 01.04.2026. godine, Federalno ministarstvo obrazovanja i nauke, raspisuje

JAVNI POZIV

za finansiranje/sufinansiranje naučno-istraživačkih, umjetničko-istraživačkih i istraživačko-razvojnih projekata u Federaciji Bosne i Hercegovine u 2026. godini

Naziv davaoca budžetskih sredstava:

FEDERALNO MINISTARSTVO OBRAZOVANJA I NAUKE

Kratak opis programa sa ciljevima programa za koje se dodjeljuju sredstva:

Podrška razvoju naučno-istraživačke i istraživačko-razvojne djelatnosti u Federaciji BiH, realizacija projekata koji stvaraju nova i unapređuju postojeća znanja, te primijenjenim (ili razvojnim) istraživanjima koja se provode s jasnim tehnološkim, ekonomskim ili društvenim ciljevima. Podrška međunarodno prepoznatljivim projektima koji se zasnivaju na izvrsnim istraživačima ili snažnim istraživačkim grupama koje vode priznati naučnici s odličnim dosadašnjim postignućima. Podrška projektima koji predstavljaju izvor novih naučnih ideja i doprinose razvoju naučne misli. Jačanje ambijenta koji omogućava i potiče saradnju privrede i istraživačke zajednice, te uključivanje privrede, univerziteta i naučnih ustanova u zajedničke projekte i procese pametne specijalizacije. Podrška projektima digitalne transformacije u skladu s EU strategijom: Digitalna dekada Europe. Podrška projektima energetske tranzicije u skladu s Zelenom agendom za Zapadni Balkan.

Ukupan iznos raspoloživih sredstava:

2.500.000,00 KM

Vremenski period za koji se Javni poziv raspisuje:

Do 5. 6. 2026. godine.

I. OPĆI DIO

I.1.	Federalno ministarstvo obrazovanja i nauke (u daljem tekstu: FMON) raspisuje Javni poziv za finansiranje/sufinansiranje naučno-istraživačkih, umjetničko-istraživačkih i razvojno-istraživačkih projekata (u daljem tekstu: Javni poziv).
I.2.	Projekti koji se mogu prijaviti su: a) Disciplinarni naučno-istraživački projekti na slobodnu temu iz šest naučnih oblasti prema zadnjoj verziji FRASCATI metodologije, b) Disciplinarni umjetničko-istraživački projekti na slobodnu temu iz umjetničkih područja prema zadnjoj verziji FRASCATI metodologije, c) Interdisciplinarni projekti na slobodnu temu iz kombiniranih naučnih, umjetničkih ili naučno-umjetničkih oblasti prema zadnjoj verziji FRASCATI metodologije, d) Razvojno-istraživački projekti.
I.3.	Projekti se mogu bazirati na dvije vrste naučnih istraživanja: temeljnim i primijenjenim istraživanjima.

II. KORISNICI SREDSTAVA I APLIKANTI PROJEKATA

II.1.	Korisnici sredstava su: Visokoškolske ustanove, naučno-istraživačke organizacije osnovane prema zakonima o naučno-istraživačkoj djelatnosti.
II.2.	Aplikanti projekata su: svi članovi jednog prijavljenog naučnoistraživačkog, umjetničkoistraživačkog ili razvojno-istraživačkog tima.
II.3.	Aplikanti mogu biti svi zaposlenici univerziteta i naučnih instituta sa područja Federacije Bosne i Hercegovine, a koji imaju izbore u naučno-nastavna, nastavna ili umjetničko-nastavna zvanja i studenti.
II.4.	Voditelj projekta mora biti rezident Federacije Bosne i Hercegovine i mora imati naučno-nastavno, nastavno ili umjetničko-nastavno zvanje na univerzitetu ili naučnom institutu sa područja Federacije Bosne i Hercegovine.
II.5.	Članovi tima mogu biti: a) svi zaposlenici univerziteta i naučnih instituta sa područja Federacije Bosne i Hercegovine, a koji imaju izbore u naučno-nastavna, nastavna ili umjetničko-nastavna zvanja, b) članovi međunarodnih naučnoistraživačkih ili umjetničkoistraživačkih timova, c) studenti upisani na II ciklus studija, d) studenti upisani na III ciklus studija, e) zaposlenici naučno-istraživačkih instituta, laboratorija i kliničkih centara ili medicinskih ustanova.
II.6.	Na Javni poziv se mogu prijaviti svi članovi akademija nauka i umjetnosti sa područja Federacije Bosne i Hercegovine, u svojstvu voditelja projekta ili člana tima.
II.7.	Minimalno 50% članova projektnog tima mora biti sa prebivalištem na području Federacije Bosne i Hercegovine. Izuzetno od ovog pravila su međunarodni projekti. U tom slučaju je dovoljno da je jedan član međunarodnog tima iz Federacije Bosne i Hercegovine.
II.8.	Jedan član tima može biti prijavljen na maksimalno dva projekta po Javnom pozivu, pri čemu samo na jednom može biti voditelj projekta. Prijave tri ili više projekata koje imaju istog aplikanta neće biti uzete u razmatranje.
II.9.	Na Javni poziv se ne mogu prijaviti aplikanti koji nisu opravdali prethodno

dodijeljena sredstva od strane FMON.

III. PRIJAVE, PROCEDURE I ROKOVI

III.1.	Prijave na Javni poziv podnose se na obrascima P1, P2, P3 i P4 te na obrascu Finansijskog plana FP-NIR. Obrasci su sastavni dijelovi Smjernica i dostupni su na internet stranici FMON zajedno sa Smjernicama.
III.2.	Prijave na Javni poziv se podnose lično ili poštom u zatvorenoj koverti isključivo na adresu: FEDERALNO MINISTARSTVO OBRAZOVANJA I NAUKE Ulica Krpića 3A 88 000 Mostar sa naznakom „ Prijava na Javni poziv za naučno-istraživačke i istraživačko-razvojne projekte – <u>ne otvarati</u> “ <u>Obavezno na koverti navesti naziv institucije i ime i prezime voditelja projekta.</u> Svu dokumentaciju prijave na Javni poziv potrebno je obavezno dostaviti i u elektronskoj formi (linkom na Google drive ili drugi adekvatan mrežni disk putem email adrese: konkursi@fmon.gov.ba).
III.3.	Sektor za nauku i tehnologiju FMON vrši pregled dostavljene dokumentacije i priprema listu potpunih i nepotpunih prijava na Javni poziv.
III.4.	Aplikantima sa nepotpunim prijavama se daje rok od 7 dana da dopune prijavu.
III.5.	Nepotpune prijave odbacit će se kao neispravne i neće biti uzete u razmatranje ukoliko se ne dopune dokumentacijom u skladu sa tačkom III.4. ovog javnog poziva.
III.6.	Prijave projekata čiji aplikanti nisu opravdali dodijeljena sredstva FMON iz prethodnih godina, a bili su obavezni, odbacit će se kao neispravne i neće biti uzete u razmatranje.
III.7.	Prijave projekata koje imaju člana Savjeta za nauku FMON kao jednog od članova tima neće biti uzete u razmatranje.
III.8.	Postupci za sprečavanje sukoba interesa osoba uključenih u postupak dodjele finansijskih sredstava: svaki član komisije za razmatranje prijave na Javni poziv će biti isključen iz postupaka dodjele ukoliko se utvrdi da je u sukobu interesa u odnosu na podnosioc prijave, a podnosioci prijave imaju mogućnost prijaviti sumnju na postojanje sukoba interesa, o kojima će FMON odlučivati pojedinačno po svakoj prijavi.
III.9.	Rok za dostavu prijave projekata je <u>30 dana</u> od dana objavljivanja Javnog poziva na internet stranicama Ministarstva, odnosno najkasnije do <u>5. 6. 2026. godine</u> . Kompletan tekst Javnog poziva i prateći obrasci dostupni su na internet stranici Ministarstva: www.fmon.gov.ba .
III.10.	Neblagovremene prijave odbacit će se kao neispravne i neće biti uzete u razmatranje.
III.11.	Po isticanju roka za prijavu i dopunu, Sektor za nauku i tehnologije FMON obavještava Savjet za nauku o svim pristiglim prijavama.

IV. POSTUPAK OCJENJIVANJA PROJEKATA

IV.1.	Ocjenu naučnog sadržaja podnijetih prijava u pogledu originalnosti, aktuelnosti, kvaliteta predloženih istraživanja, vrijednosti i primjenjivosti očekivanih rezultata, podobnosti podnosioca prijave i odgovornog istraživača (voditelja projekta), rokova, ukupne strukture projekata izvršit će Savjet za nauku FMON.
IV.2.	<p>Odlukom o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2026. godinu Federalnom ministarstvu obrazovanja i nauke utvrđeni su opći i posebni kriteriji za raspodjelu sredstava.</p> <p>Opći kriteriji za raspodjelu sredstava:</p> <ul style="list-style-type: none">– Usklađenost ciljeva programa ili projekta s ciljevima i prioriternim područjima iz Strategije razvoja Federacije Bosne i Hercegovine 2021-2027;– Kvalitet i relevantnost prijave na javni poziv;– Organizacijski i finansijski kapaciteti podnosioca prijave;– Očekivani utjecaj rezultata programa ili projekta;– Uspješnost programiranja budžeta programa ili projekta u odnosu na postavljene uslove finansiranja;– Omjer specificiranih iznosa u budžetu programa ili projekta navedenih za dodjelu od FMON, iznos za sufinansiranje i iznos vlastitih sredstava;– Predviđena uspješnost upravljanja potencijalnim rizicima i problemima u provedbi programa ili projekta;– Predviđena vidljivost promocije rezultata programa ili projekta u sklopu programa „Dan nauke u Federaciji BiH“;– Predviđeni etički standardi u prijedlogu programa ili projekta;– Predviđeni značaj za postizanje Globalnih ciljeva za održivi razvoj UN (SDG). <p>Posebni kriteriji:</p> <ul style="list-style-type: none">– Vrsta projekta istraživanja (fundamentalni, primijenjeni ili razvojni);– Saradnja s domaćim ili međunarodnim naučno-istraživačkim organizacijama;– Reference voditelja projekta;– Kvalitet istraživačkog tima;– Značaj rezultata projekta za izradu ili izmjenu zakonodavnog okvira u Federaciji BiH;– Planirana vidljivost rezultata prijavljenog projekta.
IV.3.	<p>Smjernicama za dodjelu finansijskih sredstava za naučno-istraživačke, umjetničko-istraživačke i razvojno-istraživačke projekte (u daljem tekstu: Smjernice) vrjednovat će se sljedeći kriteriji:</p> <ul style="list-style-type: none">– Jasnoća;– Izvrsnost;– Progresivnost;– Inovativnost;– Naučna relevantnost;– Društvena relevantnost;– Primjenjivost.
IV.4.	Ocjenjivanje projekata će se vršiti u skladu sa odredbama Smjernica, koje su objavljene na službenoj internet stranici FMON.

V. NAČIN RASPODJELE RASPOLOŽIVIH FINANSIJSKIH SREDSTAVA

	Ukupan iznos raspoloživih sredstava za ovu namjenu je 2.500.000,00 KM .
V.1.	Prijedlog raspodjele ukupnog godišnjeg budžeta za finansiranje i sufinansiranje projekata po naučnim oblastima priprema Savjet za nauku u skladu sa odredbama Smjernica.
V.2.	Maksimalan odobreni iznos finansijskih sredstava po projektu je 15.000,00 KM za projekte iz oblasti društvenih i humanističkih nauka, te umjetničkih oblasti.
V.3.	Maksimalan odobreni iznos finansijskih sredstava po projektu je 30.000,00 KM za projekte iz oblasti prirodnih, tehničkih, biotehničkih nauka, te biomedicine i zdravstva.
V.4.	Savjet za nauku će odrediti bodovni prag za finansiranje/sufinansiranje projekta koji će se primjenjivati jednako za sve naučne oblasti.
V.5.	Prioritet za finansiranje ili sufinansiranje imaju projekti sa većim zbirom bodova.
V.6.	O raspodjeli sredstava za podršku projektima odlučuje FMON na osnovu prijedloga Savjeta za nauku
V.7.	U slučaju da u toku realizacije Javnog poziva ili projekta budu odobrena sredstva za finansiranje/sufinansiranje projekta iz drugih izvora koji nisu navedeni u prijavi, FMON zadržava pravo da umanjí odobreni iznos, za iznos tih sredstava.
V.8.	<p>Sredstvima dodijeljenih od strane FMON moguće je finansirati isključivo direktne troškove projekata.</p> <p>Direktni troškovi su oni koji su vezani za proces prikupljanja, analize i prezentacije podataka. To su troškovi koji nastaju kao direktna posljedica naučnoistraživačke ili umjetničke aktivnosti i neophodni su za realizaciju projekta.</p> <p>U direktne troškove se ubrajaju:</p> <ul style="list-style-type: none"> a) naknade (naknade članovima projektnog tima), b) putni troškovi (troškovi prevoza i troškovi smještaja), c) troškovi nabavke opreme i stalnih sredstava u obliku prava (troškovi nabavke softvera/ licence/ drugih prava i troškovi nabavke dodatne opreme), d) troškovi nabavke materijala i sitnog inventara, e) e) ugovorene i druge posebne usluge u što spadaju troškovi objavljivanja rezultata istraživanja (trošak kotizacije konferencije, trošak objavljivanja rada u međunarodnim citatnim bazama ili troškovi objavljivanja knjiga, što podrazumijeva troškove lektorisanja, tehničkog preloma i štampanja knjige).
V.9.	<p>Alokacija sredstava po odobrenom projektu iz tačke V.2. ovog javnog poziva će se vršiti na slijedeći način:</p> <ul style="list-style-type: none"> a) ukupni troškovi radne snage mogu iznositi do 40% od ukupne odobrene finansijske vrijednosti projekta; b) ukupni troškovi opreme, materijala i putnih troškova vezanih uz prikupljanje podataka mogu iznositi do 40% od ukupne odobrene finansijske vrijednosti projekta; c) ukupni troškovi objavljivanja rezultata istraživanja mogu iznositi do 20% od ukupne odobrene finansijske vrijednosti projekta.

V.10	<p>Alokacija sredstava po odobrenom projektu iz tačke V.3. ovog javnog poziva će se vršiti na slijedeći način:</p> <p>a) ukupni troškovi radne snage mogu iznositi do 20% od ukupne odobrene finansijske vrijednosti projekta;</p> <p>b) ukupni troškovi opreme, materijala i putnih troškova vezanih uz prikupljanje podataka mogu iznositi do 70% od ukupne odobrene finansijske vrijednosti projekta;</p> <p>c) ukupni troškovi objavljivanja rezultata istraživanja mogu iznositi do 10% od ukupne odobrene finansijske vrijednosti projekta.</p>
------	---

VI. REZULTATI JAVNOG POZIVA

VI.1.	Nakon izvršenog ocjenjivanja utvrđuje se Preliminarna rang lista projekata koja se objavljuje na službenoj internet stranici FMON
VI.2.	Aplikanti sa Preliminarne rang liste dužni su dostaviti dokaz o osiguranju organizacionih kapaciteta i ljudskih resursa za provođenje projekata (naprimjer, adekvatno opremljena laboratorija za provođenje istraživanja) u roku od sedam (7) radnih dana.
VI.3.	Aplikanti čiji se projekti ne nalaze na Preliminarnoj rang listi imaju pravo prigovora na istu u roku od osam (8) dana od dana njenog objavljivanja.
VI.4.	Po prigovorima rješava posebno formirana Komisija za prigovore u roku od 15 dana od dana zaprimanja prigovora.
VI.5.	Nakon razmatranja prigovora utvrđuje se Konačna rang lista projekata, koja se objavljuje na službenoj internet stranici FMON.
VI.6.	Na temelju konačne rang liste projekata Ministar donosi odluku o odobravanju sredstava za finansiranje i sufinansiranje projekata.
VI.7.	S korisnicima odobrenih sredstava federalna ministrica obrazovanja i nauke će potpisati posebne ugovore o realizaciji dodijeljenih sredstava, kojima će se regulirati način rada na projektu i rokovi utroška sredstava te izvještavanje o postignutim rezultatima i utrošenim sredstvima.
VI.8.	Odobrena sredstva se uplaćuju na račun korisnika sredstava, odnosno naučnoistraživačke ili umjetničkoistraživačke institucije u kojoj je voditelj projekta zaposlen.

VII. OBAVEZE KORISNIKA U VEZI SA REZULTATIMA ODOBRENIH PROJEKATA

VII.1.	Korisnici sredstava su dužni javno objaviti rezultate svojih projekata podržanih od strane FMON.
VII.2.	<p>Validan načini javnog objavljivanja rezultata naučnoistraživačkih projekata je jedan od slijedećih:</p> <p>a) Objavljen minimalno jedan rad u međunarodnoj citatnoj bazi,</p> <p>b) Objavljena minimalno dva rada u drugim naučnim bazama, u naučnim časopisima ili zbornicima radova sa područja Bosne i Hercegovine a koji imaju minimalno dvostruku anonimnu recenziju i pripadajući ISSN/ISBN broj,</p> <p>c) Objavljena minimalno jedna naučna knjiga na BHS jezicima na području Federacije Bosne i Hercegovine sa dvostrukom recenzijom i pripadajućim ISSN/ISBN brojem.</p>

	<p>Validni načini objavljivanja rezultata umjetničkoistraživačkih projekata su:</p> <ul style="list-style-type: none"> a) Realizirana minimalno jedna izložba ili bilo koji drugi oblik javnog akademskog prezentiranja rezultata umjetničkoistraživačkog projekta iz likovnih umjetnosti, b) Realiziran minimalno jedan koncert ili bilo koji drugi oblik javnog akademskog prezentiranja rezultata umjetničkoistraživačkog projekta iz muzičke umjetnosti, c) Realizirana minimalno jedna predstava, audio-vizuelni uradak ili bilo koji drugi oblik javnog akademskog prezentiranja rezultata umjetničko-istraživačkog projekta iz scenskih umjetnosti.
VII.3.	Projekat će se smatrati uspješno završenim ako projektni tim u roku od 1 godine dana od dana završetka projekta objavi rezultate istraživanja.
VII.4.	Pozitivna ocjena o postizanju utvrđenih ciljeva izvršenog projekta, zasnovana na mišljenju Savjeta za nauku i izvještaju o namjenskom utrošku odobrenih sredstava, biće uslov za buduće finansiranje projekata istog aplikanta od strane FMON.
VII.5.	Institucije, čiji projekti budu odobreni za finansiranje/sufinansiranje, dužne su u roku od 30 dana od dana potpisivanja ugovora organizirati javno predstavljanje odobrenih projekata (predmet, cilj i metodologija istraživanja, hipoteza, očekivani rezultati, projektni tim) i o tome obavezno blagovremeno obavijestiti FMON. Informacija o javnom predstavljanju odobrenog/ih projek(a)ta obavezno se objavljuje na službenoj web stranici institucije.
VII.6.	Svi projekti koji budu odobreni u okviru ovog programa i čiji rezultati budu prezentirani u decembru 2025. godine smatrat će se integralnim dijelom programa obilježavanja „Dana nauke u Federaciji BiH“.
VII.7.	Svi projekti koje je FMON finansijski podržao moraju imati jasno istaknutu rečenicu na vidljivoj poziciji u članku, impresumu knjige, na naslovnoj strani prezentacije ili nekom drugom obliku javnog predstavljanja rezultata projekta: <i>„Ovaj projekat je podržan od strane Federalnog ministarstva obrazovanja i nauke.“</i> Publikacije odnosno prezentacije na stranim jezicima moraju imati istovjetnu rečenicu navedenu na jeziku na kojem je naučni rad objavljen. Uz ovu rečenicu potrebno je navesti zvaničan logo FMON kada je to moguće.
VII.8.	Svi projekti koje je Ministarstvo finansijski podržalo moraju imati jasno istaknutu naljepnicu sa logom FMON na opremi koja je nabavljena u okviru projekta.
VII.9.	Ministarstvo će na svojoj internet stranici učiniti dostupnim standardiziran logo FMON pripremljen za štampanje na materijalima i naljepnicama.
VII.10.	Korisnici sredstava i voditelji projekta su dužni podnijeti detaljan finansijski izvještaj o namjenskom utrošku sredstava u skladu sa odobrenim finansijskim planom, kao i izvještaj o toku i rezultatima projekta. Narativni i finansijski izvještaj dostavlja se na Obrascu I1 (Izvještaj o realiziranom projektu), koji je dostupan na službenoj internet stranici FMON. Finansijski završni izvještaj dostavlja se na popunjenom NIP-1 obrascu, popunjenom NIP-2 obrascu, te obrascu FP-NIR sa odgovarajućim dokazima o realiziranim aktivnostima i utrošenim sredstvima.
VII.11.	Savjet za nauku razmatra i ocjenjuje izvještaje o realiziranim projektima, u skladu sa Smjernicama.
VII.12.	Sektor za nauku i tehnologiju FMON obavještava aplikante o odlukama Savjeta za nauku vezano za naučne rezultate ocijenjenih izvještaja.

VIII. NAČIN KOMUNIKACIJE S MINISTARSTVOM

VIII.1.	Način komunikacije s Federalnim ministarstvom obrazovanja i nauke za vrijeme trajanja Javnog poziva odvija se na tri načina: 1. Upitima i dopisima poslanim na adresu elektronske pošte: konkursi@fmon.gov.ba , 2. Na brojeve telefona: 036/355-708, 036/355-718 i 036/355-740. 3. Objavom najčešćih pitanja i odgovora na internetskoj stranici Ministarstva – www.fmon.gov.ba .
---------	--

IX. OBAVEZNA DOKUMENTACIJA KOJA SE DOSTAVLJA UZ PRIJAVU¹

(1 primjerak original ili ovjerena kopija)

1	Obrasci (kompletno i ispravno popunjeni)	Obrazac P1 (Prijedlog projekta)
		Obrazac P2 (Prijedlog članova tima sa referencama)
		Obrazac P3 (Prijedlog implementacije projekta – budžet, aktivnosti i vremenski okvir)
		Obrazac P4 (Pismena saglasnost članova tima za učešće u projektu)
		Obrazac FP-NIR (Finansijski plan)
3	Dokumentacija za sve članove tima, konsultante i vanjske saradnike	Kratka biografija
		Potvrda o zaposlenju i izboru u naučno-nastavna ili umjetničko-nastavna zvanja
		Ispis profila iz relevantne indeksne baze podataka (Web of Science/ ORCID/Google Scholar/Research Gate/Scopus/...) - Google ID ili ORCID ID, kao i CIP broj za autorstva
4	Dodatna dokumentacija za voditelja projekta	Potvrda o prebivalištvu (CIPS) ne starija od 6 mjeseci
		Potvrda o državljanstvu
		Dokaz o učešću u domaćim i međunarodnim projektima (nije obavezno)
		Dokaz o ostvarenim nagradama i priznanjima iz oblasti nauke (nije obavezno)
5	Dodatna dokumentacija za mladog istraživača	Potvrda o prebivalištvu (CIPS) ili drugi dokument iz kojeg je jasno vidljiv datum rođenja
		Potvrda da su studenti II ili III ciklusa studija
6	Dokazi o troškovima	Predračuni, ponude i sl. za sve troškove za koje se traži pokriće od FMON (svi predračuni/ponude moraju imati pečat i potpis firme koja ih izdaje, izuzetak su predračuni/ponude iz inostranstva dobijeni elektronskim putem)
7	Ugovori o saradnji	Ugovor o saradnji sa drugim naučnim institucijama i korisnicima (ako je primjenjivo, nije obavezno)
		Ugovor o međuentitetskoj ili međunarodnoj naučnoj saradnji (ako je primjenjivo, nije obavezno)
8	Izjave	Izjava o sufinansiranju od strane trećeg lica (ako je primjenjivo, nije obavezno)
		Izjava o sufinansiranju vlastitim sredstvima (ako je primjenjivo, nije obavezno)

¹ Svu dokumentaciju prijave na Javni poziv potrebno je obavezno dostaviti i u elektronskoj formi (linkom na Google drive ili drugi adekvatan mrežni disk putem email adrese: konkursi@fmon.gov.ba).

X. DOKUMENTACIJA KOJU NAKNADNO DOSTAVLJAJU KORISNICI KOJIMA SU ODOBRENA SREDSTVA ZA FINANSIRANJE/SUFINANSIRANJE PROJEKATA

(po 1 primjerak - original ili ovjerena kopija)

1	Opća dokumentacija ustanove-podnosioca prijave	Dokaz o registraciji institucije - izvod iz aktualnog registra ne stariji od 6 mjeseci
		Uvjerenje o poreznoj registraciji - ID broj
		Ugovor sa bankom o otvorenom računu (ili ekvivalent dokumenta: potvrda o otvorenom transakcijskom računu, ugovor sa bankom o vršenju usluga depozitne banke, uputstvo za plaćanje)
		Podaci o osobi ovlaštenoj za potpisivanje ugovora
2	Izjave	Izjava podnosioca prijave o organizaciji javnog predstavljanja projekta
		Izjava podnosioca prijave o osiguranju organizacionih kapaciteta i ljudskih resursa za provođenje projekata

NAPOMENE:

1. Aplikanti projekata pojedinačno prijavljuju projekte direktno Federalnom ministarstvu obrazovanja i nauke. Obratiti pažnju na definiciju „aplikanata projekata“ i „korisnika sredstava“ datim u tačkama II.1 i II.2.
2. Za detaljnija obrazloženja cijelog procesa prijavljivanja, ocjenjivanja i dodjeljivanja sredstava pogledati Smjernice za dodjelu finansijskih sredstava za naučno-istraživačke, umjetničko-istraživačke i razvojno-istraživačke projekte.
3. Korisnici sredstava koji su za dodijeljena sredstva u prethodnom periodu bili dužni ovom Ministarstvu dostaviti, a nisu dostavili Završni izvještaj (sa dokazima o objavljenim radovima u referentnim naučnim časopisima ili ispisom iz relevantne baze podataka), Finansijski izvještaj o namjenskom utrošku sredstava ili u dostavljenom Finansijskom izvještaju nisu pravdali cjelokupna dodijeljena sredstva, iste su dužni dostaviti najkasnije do roka određenog za dostavljanje prijave. U protivnom njihove prijave na ovaj Javni poziv neće biti razmatrane, a Ministarstvo će biti prisiljeno da putem nadležnih organa poduzme odgovarajuće mjere u skladu sa zakonom radi zaštite i namjenskog utroška dodijeljenih javnih sredstava.

MINISTRICA

Prof. dr. Jasna Duraković

Mostar, Ulica Krpića 3A, tel.: +387 36 355 700 (kabinet ministra), +387 36 355 746 (protokol)
Мостар, Улица Крпића 3А, тел.: +387 36 355 700 (кабинет министра), +387 36 355 746 (протокол)
e-mail: info@fmon.gov.ba; kabinet@fmon.gov.ba, <http://www.fmon.gov.ba>